



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber Theologiæ Moralis, Viginti Qvatvor Societatis Iesv Doctoribvs Reseratvs

Escobar y Mendoza, Antonio de

Lvgdvni, 1659

Examen V. De cessatione à Diuinis, ac Dispositione.

urn:nbn:de:hbz:466:1-41066

Saa.

61. Si contemptus adsit, est ne mortalis interditi violantur. Asserit Saa quosdam negare esse mortalem culpam defectu te contemptu, & scandalo. Quoad laicos commune a Doctoribus id censetur, quoad Clericos autem mortale crimen affirmo, quando ut Clerici violant.



EXAMEN V.

Circa materiam de Pœna Cessationis à Diuinis, Depositionis, ac Degradationis.

CAPVT PRIMVM.

Quidnam, & quotuplex cessatio à Diuinis.

1.  *Vid est à Diuinis cessatio?* Simplex prohibitio Diuinorum in aliquo loco, imposita in signum afflictionis Ecclesiæ, & ut generale quoddam ipsius grauamen.
2. *Quotuplex illa?* Duplex, vna generalis, qua prohibentur diuina in loco vniuersali, v. g. Regno, ciuitate; altera particularis, qua in loco particulari, v. g. in vna Ecclesia prohibentur.
3. *Est ne censura?* Minimè; sed per modum simplicis prohibitionis fertur, & comminatoriè tantum.
4. *Causam huiusce pœnae efficientem assigna.* Papa, Episcopus, & Capitulum Sede vacante possunt imponere cessationem; nam cessatio pertinet ad forum contentiosum, cui præest Papa, & Episcopus. Concilium item Prouinciale, & Diocesanicum potest cessationem imponere.
5. *Formam imponendi cessationem assigna.* Hæc esse potest. Nos ob talem causam ciuitatem, vel Ecclesiam à Diuinis officij præcipimus abstinere.
6. *Quanam conditiones in ferenda cessatione obseruandæ?* 1. Delictum sit manifestum, & notorium. 2. Admoneatur is ob cuius culpam ferenda est cessatio. 3. Pareat, & satisfaciat nisi ferens cessationem, & ille contra quem fertur, intra mensem se componant, & adeant Pontificem summum per se, vel Procuratorem. Porro qui cessationem tulit, potest transacto mense, postquam iter ad summum Præsulem suscipit, tollere cessationem.

7. Causam

7. *Causam exhibe cessationis materialem.* Proxima quidem, ob quam cessatio imponitur, est delictum, & culpa manifesta, quæ grauis valde debet esse, & grauior eâ, ob quam ponitur interdictum.

8. *Finis quinam?* Remotus finis cessationis est resipiscencia, & emendatio illius, cuius causa lata est cessatio.

CAPVT II.

De cessationis effectibus.

9. *Quinam sint effectus cessationis? An officia eo tempore recitari possint?* Tempore cessationis tam generalis, quam particularis à diuinis officiis publicè recitandis, vt ab Horis Canonicis abstinetur. Item à Missa publicè celebranda, etiam si moderatio seruetur.

10. *Num sacramenta conferri valeant?* Sacramentum ordinis cessationis tempore, aut Extremæ-vnctionis nec laicis, nec Clericis conferuntur. Porrò alia sacramenta, præcipuè Baptismus, conferenda sunt, ob illorum necessitatem. *Quid de Matrimonio?* Licitum non videtur illud contrahere, nisi in articulo mortis ad legitimationem prolis, aut ad fœminæ alicuius nobilis decus necessarium esset, dum non facile dispensatio esset acquirenda.

11. *Quidam de sacra sepultura?* Cessatio priuat laicos sepulturâ sacrâ saltem quoad diuina officia, etiam quo ad eos, qui habent sepulturæ priuilegium tempore interdicti.

12. *Quàm grauis est cessationis violatio?* Violans eam grauius peccat, & irregularitatem, vel excommunicationem incurrit. *Tenetur ne ad aliquam satisfactionem is, cuius causa cessatio lata est?* Tenetur quidem ad sarcienda omnia damna Clericis, qui seruare cessationem coacti sunt, & distributiones amiserunt, vel alia damna subiere.

CAPVT III.

De Pœna Depositionis, & Degradationis.

13. *Quid est Depositio?* Propriè accepta pœna quædam est Ecclesiastica, qua Clericus munere Clericali priuatur,

aur, officio videlicet, & Beneficio absque spe restitutionis & cum quadam verborum solemnitate.

14. *Degradatio autem quidnam?* Est Clericalis privilegij priuatio facta post Depositionem, adiuncta reali actione & caeremonia per Canones instituta. Igitur Depositioni addita Degradatio ipsam verborum executionem, quod enim in Depositione verbis innuitur, in Degradatione actione ipsa executioni mandatur.

15. *An Depositio, aut Degradatio Censurae sint?* Minime, quia sunt poenae iure ordinario irremissibiles; Censurae item per absolutionem remittuntur.

16. *Priuat ne depositio ipso facto beneficij?* Depositio ab officio, si lata à iure sit, non priuat ipso facto Beneficij iam possessis: at si ab homine, priuat etiam Beneficij.

17. *A quonam facienda aut Depositio aut Degradatio?* Si verbalis sit, hoc est, Depositio, à proprio Episcopo electo, & confirmato facienda est; si autem sit actualis, hoc est, Degradatio, ab Episcopo consecrato. *Num ab alieno?* Ita plura de licentia proprij.

18. *Quisnam in casibus sit Depositio?* Solum in casibus à iure expressis, & aliis grauioribus delictis arbitrio Ecclesiastici iudicis. *Degradatio autem?* Solum in casibus, quibus post illam seculari brachio Clericus traditur.

CAPVT IV.

Praxis circa materiam de cessatione à diuinis, & Degradatione, ex Societatis IESV schola.

§. 1.
De ces-
satione
à diui-
nis varij
casus.

19. **P**onitur ne à iure cessatio à diuinis? Nunquam ponitur, *Toletus* affirmat.

20. *Potest ne tempore cessationis officium gregatim recitari?* *Toletus* asserit posse extra Ecclesiam dici officium à duobus vel tribus sine animo officianti.

21. *An sit cessatio à diuinis Censura?* *Filliucius* affirmat Censuram non esse, nec eius violationem irregularitatem inducere.

22. *Depositus ne amittit priuilegium Clericale?* Respondeo ex *Toleto* priuilegium fori, & Canonis retinere.

23. *Ob quanam crimina sit Depositio?* Depositione digna sunt stuprum, Incestus, adulterium, & omnia adulterio ma-

§. 2.
De De-
gradati-
one.
Toletus.


hora, Furtum, Periurium, Homicidium etiam solo consilio, vel hortatione factum, & omne crimen inducens irregularitatem, aut enorme iudicis arbitrio. Sic ex *Toledo* & aliis *Saa.* *Tolet.*

24. *Potest ne Depositus per Episcopum, restitui?* *Posse ab Saa.* eodem Episcopo restitui *Saa* affirmat. Addunt tamen Doctores, nisi ob crimen ~~scilicet~~ adulterio maius, nec ad Degradationem pertigerit verbalis Depositio. Attamen Depositi non assolent ad Clerum restitui. *Saa. sit depositus*

25. *Quaisnam de causis quis degradatur, ita ut Curia seculari tractetur?* Tribus ferme. 1. Ob hæresim pertinacem. 2. Ob adulteratas literas Apostolicas. 3. Ob calumniam, vel contumeliam proprio Episcopo illatam, si post admonitionem, id est, punitionem contumacia, incorrigibilitas accessit. Addo ex Doctoribus meis Degradationem præterea locum habere in homicidio iterato, parricidio, & homicidio Sacerdotis proditoriè facto, cum spoliatione bonorum, & in aliis grauis- simis delictis.

26. *Quaisnam priuatus est Degradatus?* Executione ordinis, & Beneficio, & priuilegio Clericali. Vnde potest per iudicem secularem puniri, nec qui in eum percutit excommunicatus est. Profectò degradatum à solo Præsule summo restitui ~~potest~~ *posse* affirmo.

27. *Consecrat non validè qui degradatus est?* Maximè; quia per Degradationem Characterem ordinis non amittit.




EXAMEN VI.

Circa materiam de Pœna Irregularitatis.

CAPVT PRIMVM.

De natura, institutione, & causis Irregularitatis.

1.  *Vid est Irregularitas?* Canonicum impedimentum ex facto vel defectu proueniens, quod directè impedit susceptionem Ecclesiasticorum Ordinum, aut eorum vsum. Colligo fœminam non esse Irregularem; quia ordinum capax non est; nec infidelem, qui nondum recipit Baptismum; quia non baptizatus ordinis capax non est.

2. *Efficientem Irregularitatis causam assigna.* Sunt facii
Ll. 2 Cano